


[www.BibleForChildren.org](http://www.BibleForChildren.org)



Juan 14



"Iiro powashiriwaitaa. Pawintaiyaari Pawa,  
pawintaiyaana iijatzi naaka. Janta ipankoki  
Ashitanari tzimatsi ogyiki anampitapaiyaawo. Iiromi  
otzimi, iiro nokantzimi niyaatai niwitsikapaimi tsika  
pinampitapaiyaawo."



“Aririka niyaatai, niwitsikayitai tsika pisaikai, ompoña  
nompishitaimi naayitaimi, ari pintsipatapaina  
iirokaiti tsika nosaikai naaka.”



Naaka Juan, pirintzi powayitana  
pikimisantzinkaritai, ari akaataiyakini  
amawitakiro akimaatsiwaitaka,

ari atsipatawakaa  
ipinkathariwintayitai




Jesús.



Pairani nosaiki othampishiki iitachari  
Patmos nokinkithatziro jiñaani Pawa,  
nokamantantziro ikantakinari Jesús.




Ikanta niyaashirinkatanaki jinoki, noñaakiro  
saikamintotsi, okimiwaitakawo isaikantapiintari  
pinkatharipirori, owaniinka okantaka. Tzimatsi  
saikantakawori.




Nokimatzi ipampithagaiyanakini maawoni saikantawori  
inkiti, kipatsi, inkaari, sarinkawini. Ikantaiyini:  
Jirika saikaintsiri saikamintotsiki,  
itsipatakari Oijya, thaamintaari  
jinatzi, pinkathataari jinatzi,  
otzimimotziri jowaniinkawo,  
ipinkathariwintantzi, ari  
inkantaitatyaani.




Ipoña noñaaki ijyaawiinkapaaki inkitiki apaani nampitsi  
tasorintsitatsiri, jiiitaitziri "Owakiraari Jerusalén".  
Iri Pawa owayiitakaantakirori. Owaniinkakitaka,  
iroowaitaki apaani tsinani Owaniinkatashitari  
Oimityaari.




Ari Jiñaawaitaitanaki shintsiini saikamintotsiki,  
ikantaitzi: "iPamini! Ari osaikimotairi kipatsijatziiti  
jiroka tasorintsithaanti tsika inampitawo Pawa. Ari  
itsipatajaantaari Pawa tsika isaikayitzi iyyininkataari."



Ipoña joñaagakinawo jiña kañaanitakaantsiri.  
Kitijyaaniki okantaka. Iro shitowaatsiri  
isaikamintoki Pawa itsipatakari Oijya, irootaki  
shiyaatainchari niyankiniki aatsi.




Tii ikowajaanta ooryaatsiri, iijatzi kashiri. Tima jowaniinkawo Pawa kitiijyiinkatakaironi. Iri Oijya kimitaiyaarini ootamintotsi.



Iiro itzimai kaaripirotopaatsini,  
iiro jiñaitairi antayitaironi  
ipinkaitziri, iiro itzimapai  
iijatzi thiiyapaachani.

Apa inampitaiyaawo  
josankinatakotakiri  
Oijya jañaayitai  
janta.



“Tima Pawa ojyiyookipirotairini,  
inkimoshiritakaayitairi. Iiro  
ikaamaniyitai, tikaatsi  
onkatsitzimowaitai,  
tikaatsi iragaachani,  
tikaatsi  
kimaatsiwaitaachani.  
Tima ari okaatapaaki  
maawoni jiroka”.




Iiro otzimapai owasankitagaantsi janta. Ari  
osaikapairi isaikaminto Pawa, iijatzi jashi Oijya.  
Inkantaitatyaani jantawaitapainiri jompiratani.  
Ari iñaapooyiitairi Pawa. Inkintakotamakotaiyaawo  
atziriiti iwairo Pawa.




Ari ikatziyiyakani kamayitaintsiri janta kitamaariki  
saikamintotsi, jitakari itsipayitaari antariiti iijatzi  
iryaaniiti, maawoni. Ari japinairyaanakiro  
osankinarintsi, japinairyaanakiro iijatzi pashini  
tsika josankinatakoyita añaayitaatsini.  
Jaminakoyitairi atziri tsikarika  
oiyita jantakiri okaatzi  
Josankinatakoitakiriri.


Ipoña jookaitakiri  
opaampaporinthaataki  
inkaari maawoni kaari  
osankinatakotachani  
jañaayitai.



Ikantzi Tasorintsinkantsi: "Pimpokiita". Ari  
okantsitari iijatzi kimitakawori tsinani iinataityaari.

Inkaati kimayitaironi jiroka, inkantayitai:  
"Pimpokiita". Impokayitiita miriyitatsiri. iItzimirika  
kowanaintsiri imirityaawo jiña añaakaantaniri,





Tima jitakopirotari Pawa  
 isaawijatzi, ishinitakiri japintziti  
 Itomi inkamawintiri, iiro  
 ikaamaniyitai inkaati  
 kimisantairini, aña  
 inkañaaniyitai.



Roma-Jatziiti 3:23 maawoni akaaripiroshiritaki.  
Irootaki iiro okantanta añaaayitairo  
jowaniinkawo Pawa.

Roma-Jatziiti 6:23 Jiroka "Kaamanitaantsi"  
iro kimiwaitakawori impinaitirimi  
antawaitapiintakironi kaaripirotsatsiri,  
kimitawaitaka iriimi ompiratani. Irooma  
"Kañaanitaantsi" iro kimiwaitakawori  
inishironkatani Pawa ipashitaariri ikaatzi  
tsipashiritaariri Jesucristo, Awinkathariti.

Hebreos 9:27 Iroowaitaki ikantaitziri:  
"maawoni atziri apawojatzi okanta ikami,  
impoña Pawa yakawintairini".



Efeso-jatziiti 2:8-9 Irootaki piñaantaawori  
pawisakoshiriyitai poshiriyitaari. Aña iri Pawa,  
kimitakaantaawori impashitaimiro  
awisakoshiritaantsi, tii iiroka matironi  
powawisaakoshiritya apaniroini. Ari onkantya  
iiro pasagaawintashiwaitanta.

Roma-Jatziiti 10:9-10 Aririka piñaanitaiyaawo  
pinkanti, Nowinkathariti jinatzi Jesús, aririka  
pawintaashiritanaiyaari Pawa iri owiriintairi  
ikamawitaka, aritaki pawijakoshiritai.  
Aritaki pawintaashiritaari irootaki  
jotampatzikashiritantaimiri. Aritaki añaanitaawo  
jiroka, irootaki jowawijaakoshiritantairi.



Juan 3:16-17 Tima jitakopirotari Pawa  
isaawijatzi, ishinitakiri japintziti Itomi  
inkamawintiri, iiro ikaamaniyitai inkaati  
kimisantairini, aña inkañaniyitai.

Tima Pawa tii iro jotyaaantantyariri Itomi jaka  
kipatsiki jiyakawintairi isaawijatzi, aña  
jowawijaakoshiritaatyiri.



1 Juan 5:11-13 Jiroka ikantaitakiri: Iri Pawa kantakaiyaawoni añaashiritantaiyaari, tima atsipashiritaari Itomi. Intzimirika oyaashiritanairiri Itomi ari jañaashiritai. Iriima kaari oyaashiritanairini Itomi Pawa, iiro jañaashiritai. Pipairyaapiintairi iirokaiti Itomi Pawa pikimisantairi. Irootaki nosankinatantzimirori jiroka onkantya piyopirotantyaari ari pinkantaitatyaani pañaayitai paata.



Juan 14; 2 Corinto-Jatziiti 5;  
Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Ajyíninka Apurucayali Bible (cpc) © 2000, Wycliffe  
Bible Translators, Inc. All rights reserved.

<https://www.bible.com/bible/579/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

